

者所司量貸、又去年恩免神寺封租者、宜以正稅填償、天下老人百歲已上賜糧三斛、九十已上二斛、八十已上一斛、鰥寡孤獨不能自存者、量加賑恤、孝子順孫義夫節婦旌表門閭、終身勿事。

類聚國史

百六十五

延曆廿年六月癸巳備中國言慶雲見

七月丙戌參河國言慶雲見

大同五年八月戊寅攝津國言慶雲見

天長三年七月辛巳慶雲見西方其狀五色相雜如夾纈絹十二月己未詔曰朕以菲薄嗣膺丕基踐永虔虔馭朽敬敬膏澤不浹於黎庶風化莫澄於寰區尅已惕懷未知攸濟忽見公卿來表有賀慶雲之瑞朕德拜無聞以慙感物道化有缺何用動神但惟俊乂百工存職匪懈雖靈芝不効慶有餘焉萬民不贍帝則未順雖麟鳳在野吾猶懼矣自顧庸虛何足慶賀朕尚不敢當之公等宜且停矣右大臣從二位兼皇太子傅臣藤原朝臣緒嗣等言臣聞天道無言待哲后而呈祉神功不宰值仁君而降祥故景雲入歌有虞之化逾穆伏氣敘彩軒轅之業克宣伏惟皇帝陛下德等二儀仁敷萬物與天合德尚憂寒暑之不均將地侔貲猶恐黎元之未洽伏見少外記從六位下都宿禰廣田麌左大史正六位上御野宿禰清庭等奏稱去七月十六日申時有五色雲見於豐樂殿之西又紀伊國守從五位下古野王等奏稱去八月廿八日慶雲見於海部郡賀多村伴島上又太宰大貳參議從四位上小野朝臣峯守等奏稱去七月七日慶雲見于筑前國那賀郡之上並皆彩色紛郁美麗非常臣等謹按孫子瑞應圖曰慶雲太平之應也禮斗威儀曰政和平則慶雲至孝經援神契曰德至山陵則慶雲出夫殿號豐樂驗四海之歡娛島名聖諱表一人之有慶斯實曠古之所希有歷世之所難逢也臣等幸值會昌之期頻觀希世之瑞其爲抃躍寔百恒品不勝悅豫之至謹拜表陳賀以聞辛酉右大臣從二位兼行皇太子傅臣藤原朝臣緒嗣等言臣聞惟天爲大叶天道者聖人惟皇體元應皇德者靈貺故丹羽止戶周氏開七百之期白狼入朝殷家隆九五之祚伏惟皇帝陛下登樞踐曆執象應機解殷帝之羅去三面而流惠垂夏王之泣傷萬姓之有辜是以天瑞地符之祥異名而影集應圖合謀之覩同時而星連陛下謙讓而不當長卿有云且天